



Ulloq 03. Oktober. 2018

UKA2018/215

Bentiaraq Ottosen

**Namminersornerullutik Oqartussat kommunillu inissiaataanik attartortittakkanik inissiatut  
imaluuniit illutut nammie pigisatut tigusisarneq pillugu inatsisartut peqqussutaata  
allangortinneqarnera pillugu Inatsisartut inatsisaat nr. xx, xx. xxx 2018-meersoq  
(Taarsigassarsianik sioqqutsilluni akiliisarneq)**

(Ineqarnermut Attaveqaqtigiinermullu Naalakkersuisoq)

Atassutimiit isumaqarpugut tamanna isumalluarnartoqartoq, takusinnaagatsigummi siunissamat aamma akilersinnaasorujussuusoq. Attartortumiit piginnittungorsaaneq tamanna inissiaateqarnerup iluani pinngitsoorneqarsinnaanngilaq, pisortat aningaasaataannik inissianik pituttorsimasunik annikillisaataasussaammat.

Tamanna aamma illuutinik aserfallatsaaliiinkut iluaqutaanerpaassamat aqqutissatut annertuutut siunissami isigisariaqarparput, naatsorsuutigineqassaarli attartortuuusimasutut aamma illutut pigisatut piginnittungorsimagaanni siunissaq qularnaareerlugu taarsigassarsianik sioqqutsilluni periariffissaqarluartilluni akiliisinnaanissaq ammaaneqarnissaa.

Taamatut oqaaseqarluta siunnersuut ataatsimiititaliamut susassaqartumut eqqartorluarneqarnissaanik innersuupparput.